



MERCI VIEL MOL!!!!



Wie die meischte vo Euch jo wüsse, het mini Fasnacht letscht Joor am Zyschtig zobe e abrupts Endi gnoh. Unseri Clique isch tätlich agriffe worde und ich bi am Schluss mitemene brochene Wade bei und emene usgränkte Sprungglink im Spital glande. Durch das isch natürlich d'Fasnacht für alli vo uns gloofe gsi. Zumindescht die in Oberwil. Nach einigem hi und här hän sich die rästliche Schnäggefrässer entschlosse in Binnige am Umzug teilznäh. Was ich au absolut für richtig empfunde ha. I ha leider nit aktiv chönne mitmache, ha aber dank tollem Isatz vo minere Frau, Schwiegereltere und Eltere e Rollstuehl gha wo ich zumindescht ha chönne dr Umzug zueluege. Was ich den vor, während und nach em Umzug erläbt ha isch wirklich sensationell gsi. Es het mr zeigt wie gross dr Zämmehalt vo de Fasnächtler do in Oberwil unterenand isch. Ich bi sehr überwältigt vo dere riese Ateilnahm gsi. I möcht mi dorum an dere Stell ganz härzlich bi allne bedanke wo mi in dere schwere Zyt ufgmunteret und unterstützt hän. Ganz speziell möcht ich de Löli-Schnägge für die nätti Karte und dr feini Wyss, de Schnäggespalter fürs Bier und d'Shots, de Samba Waggis für dr Plüsch-Waggis danke. Allne andere wo ich jetzt do nit speziell erwähnt ha au härzliche Dank für Alles. I hätt ächt nie drmit grächnet das die Ateilnahm so gross isch. So öppis isch ächt einmalig und zeigt was für e grosse Stellevärt die Fasnacht het.

Natürlich möcht ich au no de Schnäggefrässer für Alles danke. Die tolli Überraschig mit em Schild uf em Waage und em gmeinsame Abstiege vom Waage während em Umzug isch genial gsi und ich bi de Träne noch gsi.



Jetzt wünsch ich eifach allne ganz e schöni, unfallfrei und luschtigi Fasnacht.

Ihr sind alles geili Sieche und ich freu mi mit Euch zämme Fasnacht chönne z'mache.

Viele Dank Euch Allne!!!

